

看護各員役務各依法罩護口鼻 電忻縣知事

李茂旦等三人既能攔入境內安保前無攔入之人疫症純由病者直接傳染如果高尚仁未與染疫者接觸何能無端受染仰速遵照徑電十條切實辦理勿再疏虞干咎 電平魯知事

該縣東關既有染疫者十四人死者五人似此災疹甚熾僅如來電所稱深埋消毒不足以杜傳染應速將病者實行隔離并查照徑電所開辦法立將東關與隣村及城內之往來斷絕 電應縣知事

該縣馬到頭吳家窰既已疫死五人必令有疫之家與無疫之家斷絕交通方免傳染該知事奉到徑電併不細心研究竟諭令死者家屬移居無疫之處殊屬誤會應將四鄰村莊速行遮斷該兩村人民不准自由出入病者之家屬應於幽僻處所妥為安置掩埋看護各役及防疫員紳須各依法罩護口鼻并將徑電十條及印發防疫須知警告等件廣佈周知令人民預為自防限十日內趕將疫氛撲滅 電左雲知事

防症全在預防傳染以後再謀救濟已不知慘死若干生命該縣幸未見疫仰速嚴為防堵勿令有疫地方之人攔入境內 電廣靈知事

一月二十九日

疫症有防無治該縣既未發生疫症正宜積極預防無使有疫地方之人攔入境內并將所發防疫須知警告等件悉心研究傳諭城鄉人民使知自防 電陽高知事

一月三十日

破堡村有乞丐疫死消毒深埋辦法甚是惟交通如果遮阻嚴密該乞丐何得由三岔入境并念該知事甫

經到任免予追究應速商承馬旅長督飭軍警嚴堵各口毋令外人攔入三岔已電張團長及五寨知事斷絕交通 電神池知事

該縣地當邊要疫已蔓延應即速撲滅所寄防疫警告等書到時即分散各村務使人民確能自為防範 電懷仁知事

一月三十一日

電陳辦法尙未詳盡應遵防疫須知及警告人民等書切實宣告務使人人能知自防為要 電忻縣知事

該縣鄰接口外疫氛恐未堵絕萬勿諱報並輕視不理致干查究 電偏關河曲縣知事

石灰硫磺用法欠合茲已寄發防疫須知及警告要言等多件仰於收到時遵照辦法併分散人民須知 電保德知事

二月一日

核針溝察漢營兩處住客日多至為可慮應一律給費已規定辦法六條於三十一日電發仰即遵辦 電右玉知事

二月二日

該縣與忻定昆連地方不僅黃土峪一口應再確查堵塞上杜鎮併非縣北邊境應於五台連界處協力嚴防東路各口遵照東電辦理 電孟縣知事

二月五日

樓子營沙泉村迭現疫症應速圖撲滅首在使人民咸知畏避併責成村長副斷絕有疫家之交通又凡外來者一律阻止入村 電河曲知事

二月六日

肺疫與空氣無關係自非雨雪所能消滅仰仍確實防範毋懈 電平魯知事

二月九日

防疫主要辦法迭經通令在案乃匝月以來疫氛仍未稍減推原其故皆由於未能注重隔離所致應由該知事會同中西醫士妥籌辦法將染疫者之家屬實行隔離以期即早撲滅 電忻代傳三縣知事

二月十四日

樂玉堡發現疫症據稱由大同傳染實係防範不力之故迅照諭單所開各節嚴切辦理併將警告詳諭人民俾知信畏自易防檢不得以掩埋消毒即爲了事總以嚴斷交通爲要 電天鎮知事

二月十五日

該縣疫斃七十餘人之多微電報告三十餘人既無姓名且無確數此次報告二十九人係二月一日起至十一日止事關民命並不即時電聞殊屬非是嗣後務須認真防檢毋得疏虞 電應縣印委
演戲集會人衆繁雜最易染疫此次五寨發生疫症確係演唱道腔者由神池帶疫而來以致傳染仰各知事迅將城鎮村鄉演戲賽會一律禁止是爲至要 電有疫及鄰疫各縣知事
該縣三百戶村據調查報告已疫斃三人何以未據該知事電報殊屬玩視民命前經電飭防疫辦法曾否

分別遵辦仰併電覆 電甯武知事

據調查報告該縣利民義井郭家溝等處已疫斃百餘人乃該知事先後呈報僅三十餘人難保無匿疫情事仰速切實查明電覆毋再縱毒禍民隱飾干咎 電神池知事

來電內稱呂警佐委靡溺職防疫不力應即撤差准由彭元善暫行代理仰督飭認真辦理毋稍疏忽 電神池知事衛連長蘇委員

二月二十一日

由省派赴各縣之西醫教士及其隨員等均持有本局護照過境時一律驗照放行無須留驗 電第一二防線內各知事及關隘軍警

三月十日

該縣白獅嶺村民暴病身死類似疫症應將子洪口交通即行遮斷阻止行人北上併將辦理情形電覆 電祁縣知事

三月十一日

武鄉已現疫症該縣相距甚近應將北來各要口實行堵絕 電太谷知事

據報該縣疫氛漸就撲滅關於檢查行旅遮斷交通尤不應稍涉鬆懈安壽增白嘉森大夫仍留駐各該縣所有前派出之防疫委員清疫委員除由西醫士帶往出關外應由該知事商同安白大夫選留二員輪流協助檢查併將選留員名報查 電甯神五偏河保崞各縣知事

三月十五日

前據該縣報稱疫勢漸消惟尙未一律肅清茲特由省電派前在關內辦理防疫之西醫牧師葉卓志大夫爲首領並隨賀慶大夫單覃恩大夫魏禮模牧師厚巴德牧師貝克爾牧師焦杰大夫尹廣恩大夫及看護員等星馳前往該縣共同協助期早廓清仰卽知照再查關北各縣人民往往對於外國牧師信口雌黃動輒抗阻此次各牧師到境之先務須竭力曉諭使無知人民咸知敬服庶免他虞並應多派官警妥慎保護倘有疎虞該知事難當重咎至各西醫大夫到境後辦理一切及出境日期均應隨時電報電天鎮陽高懷仁大
同知事

三月十七日

直隸平山疫氛已經肅清所有該縣接連平山各口設立之檢查等所對於通常行旅務須開放倘查明確由口外繞越者仍須檢查留驗 電五台平定孟縣昔陽知事
查籌定關南各縣輸運貨物車輛打印放行並發印色各品業經由局於本日專差馳送飭令照辦現在天暖凍解正春耕下種之時應將該縣無疫村莊之交通先行開放城門亦應酌量變通凡係本縣耕田之農民暨確非有疫村莊之商人均應查明放行此外如係由他縣來往行旅查無印証或由口外潛行回南行人仍應照常檢查留驗勿稍鬆懈再有疫村莊如疫氛撲滅已逾十日以外亦可令人民出村耕作惟不得自由他往無疫村人亦不准擅人有疫村莊至前此因疫封閉之院房仍照舊封閉萬勿輕啟仰卽遵照併隨時報查 電代五峰繁忻定知事

三月十八日

電悉所擬於墳上加鋪石灰新土補救淺埋之弊甚善惟死者衣物除粘有痰血外其餘可於日光中曝曬消毒不必一律焚燬以示體恤 致大同鎮道

三月二十日

該官兵等辦理北路防疫勞瘁不辭殊堪嘉慰應俟事竣酌予獎勵希仍督飭在事人員謹慎從事以盡全功 致大同鎮守使

子洪地方既無疫症該處交通應予開禁 電祁縣知事

查分水嶺地方疫氛現已消滅所有該處交通應卽開放特電該縣知照凡由分水嶺來省行人應由各該縣協同駐嶺員警於手腕打印放行戳記以便沿途驗放 電沁縣轉武鄉知事

三月二十一日

關內各縣開放交通業經電令一律打印放行茲聞各縣現仍照舊留驗特再電仰該縣卽日奉行至沿屬門關內邊牆之各口隘仍須照舊檢查併將遵辦情形電覆 電神五偏河保忻代繁定台崞知事
孫七七等疫死未久趙家溝地方仰仍派警嚴禁交通其他無疫村莊只准人民赴地耕種商民亦只准於無疫地方交易不得前赴外縣再有疫村莊如撲滅已在十日以外亦只准農民出村耕種其他人民一概不准出村俟過數日再行察看情形核飭 電甯武知事

四月一日

關北疫氛均告肅清前經派往各縣協辦防疫委員各暫留二員辦理善後清查事宜其餘各員一律轉令回省 電雁門關北各縣知事

關北疫氛肅清交通應予開放無疫村莊人民打印放行聽其出村耕作惟不得任其他往前經因疫封閉房屋仍應嚴行封閉不准擅啟凡與察綏接界口隘仍舊嚴查同上

一月 日公函

前奉上本局印發各縣防疫各章程諒邀台鑒其各節報告及着手佈置情形已按日登報飭由并州報社奉寄並由省長函達一切想亦入覽近日省城幸尙無疫然交通繁盛人民紛雜不得不加意防範特令城內各區警察署兼辦防疫分局事宜各局編設檢查消毒各隊督同街長地方逐戶檢查其商舖公館住戶每日檢查一次戲園澡堂旅館飯舖妓寮每日檢查一次或二次查有不潔物品當即消毒併嚴令住戶勤加掃除用石灰乳不時潑洒各街巷則督同各商舖辦理之又恐未能周至將警察教練所學警一百一十八人編爲省城消毒隊協助分局分投各街巷住戶實行消毒其軍民各機關局所學校均由本局印佈消毒方法併分送藥品各機關自行依法消毒此近日辦理關於住戶街巷消毒之情形也飲食器具如不注意尤爲傳染之媒介已飭分駐所及各門警察嚴密檢查凡有入城食品無論生熟查有腐爛或不潔者一概禁止販賣城內各處水井併飭各該管警察署按井趕製井蓋建高井台建築井樓以防穢物污水流入井內所有各街市向開之雜營爛貨舖最爲污穢叢集之處已令一律暫行停業此近日辦理關於飲食器物實行消毒之情形也防疫之要首重遮斷交通北關爲省北入城要道特設檢查所一處併於城外北十

方院租就大店一所分設疫病隔離所延請中西醫士協同該區警察凡有省北南來者實行檢查留驗七日如果無病始行給照放行大南門旱西門已禁止出入其大東門水西門凡入城人民一律嚴加檢查如有病涉疑似暨確由省北來者立時送交北關檢查所檢驗新南關設立檢驗處專檢查搭車旅客此近日辦理關於交通實行檢查之情形也人民程度不一恐有因理論上之觀念匿死不報者星星之火流毒無窮除嚴令諸色人等無論是否疫症如有疾病均報由該管區署轉報本局派員檢查其有老病身死者亦勒令即時掩埋倘有實係染疫死者由本局派掩埋隊分別消毒深埋此近日辦理關於檢查病亡實行消毒之情形也至本局內又添設中西醫會邀集中西醫士研究防禦疫症之方法其省北各縣近來迭據報告頗有發現疫症之處已由督佐勒令軍隊分駐廣武岱岳各要口將交通一律遮斷劃定左雲右玉陽高天鎮大同平魯朔縣偏關河曲九縣爲第一防疫線懷仁山陰應縣渾源廣靈甯武神池五寨保德代縣靈邱繁峙岢嵐崞縣興縣十五縣爲第二防疫線雁門關內忻縣一帶爲第三防疫線石嶺關爲第四防疫線忻縣以北各要口早飭各該縣一律堵塞石嶺關距省百餘里爲省北進省必由之路亦派檢查隊實行檢查此辦理省北防疫之情形也至火車經過之榆次壽陽平定等縣均飭設所防檢驗明無病方給照買票上車稍有疑似留驗七日無恙始准放行正太路附近各縣迭據報告併無疫症發現此辦理東路防疫之情形也總之防疫事宜關係民命最爲重要除隨時嚴密佈置外知關錦注特此奉佈 致正太路局

第八項 省外機關人員呈防督軍兼省長電
防疫總局長電

一月十一日

督軍鑒據職署軍械官李鳴鸞進省路經代縣由電局報稱有忻縣人由口外來至雁門關南阜家坪村染疫身死頭疼吐血確係疫症等語又據左雲知事及陳連長灰日先後電稱九號馬到頭天生店內有由口外回定襄客民四人內有杜姓一人於八號夜分染病黎明身死確係頭疼吐血致命等語當由職使分別電飭各該縣知事及軍警等趕速將屍體深埋八尺餘多用石灰掩蓋死者之行李衣物詳細檢點分別硫磺薰蒸及焚燒其同行伙伴一律阻止留檢懇再電飭嚴加防範再殺虎口現已防堵嚴密仍恐有由小口偷入情事復電飭該縣派警將威魯甯魯兩口實行遮斷以便併口檢查 鎮守使職

一月十二日

督軍鑒查由五原包頭等處入晉大口有四一殺虎口二河曲偏關之老營四大同之得勝自右玉左雲大同發現疫症俱由此四口侵入且河曲偏關距五原包頭尤近職等已於殺虎得勝七墩駐馬等口設立檢疫所其老營紅門各口亦即次第設立除飭河曲偏關知事對於沿邊要隘嚴加防查外懇再電各該知事注意同上

一月十五日

督軍局長鑒疫症流行甚速今日已設局檢查先由知事及富紳籌款百餘元暫作費用餘情另呈忻縣知事局長鑒現由口外南下行旅頗多除職縣嚴加檢查外請電飭關外各縣實行遮禁交通 醇縣知事局長鑒據報告吳家窰有由口外歸來過客疫死二人該處係左雲屬距懷城六十里自應不分畛域派警佐帶警前往遵照督軍電令辦理掩埋消毒等事 懷仁知事

督軍局長鑒甯武於十四日派警佐於陽方口設所檢查併諭令東鄉各村莊及東關住戶店戶每日洒掃房院併用硫磺薰屋 甯武知事

局長鑒前奉省長電開遵照查明朔縣境內通北各口一律堵塞惟留下窰口一處設立檢查所并由馬旅長派周醫官知事派張醫士前往住所檢驗北來行人 朔縣知事

督軍局長鑒沿河上下游各渡口一律封禁只留東關渡一處嚴行檢查防疫分局於元日成立委警佐丁長明長川駐局并委紳士楊蔭柯等四員充該局檢驗員現保境無疫症發生 保德知事

一月十六日

局長鑒屬縣魏家灘五塘鎮北會裴家川口界河口為西北通行要道均派警遮塞僅留黑峪口一口設檢查所派員會同軍醫一名檢驗現在尚無疫症發生 興縣知事

督軍局長鑒奉電令遵即轉令各縣知事會同軍隊設局檢驗并由職旅擬定規則指派軍醫馳赴各局襄辦計平魯留七墩鎮川兩口偏關留滑石一口河曲留西門外侯家口保德留東關渡以上各口均派有軍醫協同設局檢查其禁堵各口亦有軍警駐守又朔縣屬之下窰口亦設立檢驗局派有軍警服務近據各處報告尚無疫症發生 旅長馬開松

局長鑒縣城保安威平甯魯各口俱已堵塞只留駐馬一口遵照鎮守使電令設立檢查所併將西門封閉在南關及馬到頭吳家窰等處設立檢查分所派員帶警辦理又在五區適中地點設防疫分所知事督率警佐分投查察但邊牆漏塌甚多難免百密一疏現又添警十名專司梭巡謹此奉聞 左雲知事

督軍局長鑒職縣僅留得勝口一處業經鎮署設立檢疫所併由縣派警協同辦理其餘各口嚴行堵塞原警不敷分配已添招四十名大同知事

督軍局長鑒職縣十字街居民郭萬義由口外回來於十一日病故其妻郭劉氏亦於十六日病故顯係染疫已立時分別掩埋消毒同上

一月十七日

督軍鑒團長由廣武回團查有距代三十里之阜家坪德和店內有染疫死者二人詢據村民稱前七日有北來行客二人到店即死一人其一人亦受染而死店內工役前昨兩日光後又死三人均已掩埋阜家坪既已現疫附近各村自應遮斷交通團長前承委令有檢查之任而無地方之責防疫手續諸多牽制且廣武鎮行旅絡繹被留驗者大有無處安插之勢已商同知事預備房屋矣 孫秉彝

局長鑒河曲僅留城西侯家口一處行旅均留驗七日無病始給照放行餘口均派警會同陸軍斷絕交通現擬添募巡警十名分配各口以期周密河曲知事

督軍局長鑒職縣東北兩邊共計十口現遵令只留北樓口准行人往來已委巡官及科員帶警前往設所檢查餘九口悉行遮斷惟小石大石茹越馬蘭四口為北來騎行大道小石委令縣佐大石茹越馬蘭委令三巡官各帶警士前往駐守東碾溝胡蘆口大安嶺圍城口平陘關等處非北來要道派長警前往堵截奉發消毒各法按村令知村長副轉諭人民切實照辦城內沙河大營三處各設防疫分所城內委警佐沙大二鎮各鎮紳董各充檢查員繁峙知事

督軍局長鑒口外商人回至內地經檢疫所檢過與否無從稽查現擬一檢過放行二聯軍擬令滑石口檢疫局檢驗後填給凡由口外入內地者如無此項單據即行扣留懇通令各縣查照 偏關知事

局長鑒已派警赴界河口魏家灘五塘鎮北會裴家川禁止通行復於黑峪口會同陸軍設所檢驗與縣警佐

一月十八日

督軍局長鑒奉電令已添招檢查隊協同警察將內通道途一律遮斷僅留衝要大道遇有北來過客即時扣留檢查七日無病放行前次疫死定襄過客所遺衣被零件已焚燬 山陰知事

督軍局長鑒據警佐報告新岱岳居民苑培成閻二海均於昨晚身死立時深埋消毒該處現已實行遮斷交通 同上

督軍局長鑒邊牆各口以陽方口為東下要區已設檢疫所派警佐帶醫檢查并設隔離所賈家窰村係口外行旅由朔縣上下石家峪入境過李子樹梁直赴忻附之緊要地已於十二日派警遮斷交通應請飭令朔縣將上下石家峪設所嚴查大水口已由神池設所檢驗知事又添警前往互相稽查 甯武知事

督軍局長鑒縣屬下窰口村為通口要道只留此處設所檢查併於縣署附設防疫分局本日下午四鐘據下窰口檢查所報告有河南旅客吳晉義由口外歸來染疫吐血得病甚重等語已飛飭該所將患者嚴加

隔離 朔縣知事

督軍局長鑒澤霖於十七日到代次日即會同知事邀集孫團長葉醫士司徒教士魏教士并城鄉士紳妥商防疫辦法廣武已由會知事委員紳籌設檢疫等所前奉局長電話調原平馬隊來代防疫已同會知事

電達忻縣轉催恐有遲延仍請督軍再為速飭委員武澤霖

局長鑒警佐已於本月五日在本縣城關設立檢查所并派警在忻口奇村鎮莊磨鎮三處堵截行旅茲奉電令立即派警馳往各小口嚴守查奇村忻口莊磨等處係防西北兩路南來之人北曹張村係襄崞往南要路亦派警堵截西北鄉之寺坪溝濟道嶺中尾莊係寧武崞嵐等縣往南之小口均係山僻小村難於設局一律派警駐守無論何人概不放入 警佐王占彪

局長鑒榆皮窰水門口西溝口西邊口已派警堵塞惟滑石口係通口外大道十四日設所檢驗其餘八九墩口將軍會老牛坡飭由老六堡巡官警派嚴守二十六墩口紅門口鎮邊口滅胡口飭由水泉堡巡官派警嚴守至縣城附近諸村由警佐督率警長嚴密防範現無疫症發現 警佐李成蹊

局長鑒保德沿河渡口共五處天橋花園林遮峪馮家川早派馬警封禁只留東關渡一口設局會同軍醫依法檢驗 保德知事警佐

局長鑒前奉知事令飭在縣屬北通口外之松樹灣三嶺等處設所檢查西面之小辛村派警堵絕現為便於檢查起見只留松樹灣一處餘均堵截 渾源警佐

督軍局長鑒預防消毒方法已油印數百分發給城鄉各處小辛莊附近各口一律遮斷 渾源知事

一月十九日

督軍鑒據駐歸化坐探報稱歸綏城內外瘟疫甚熾近日死者不下百數十人等語綏區疫症既如此猖獗則檢查停留聚處八日之多不惟患者死者日必加增且恐無病亦受傳染倘於潛伏期間越境發覺則內

地蔓延何堪設想擬懇暫於兩星期內實行斷絕沿邊沿河各口交通屆期再由職使道察酌情形再行電

陳除電綏遠都統轉飭商民暫勿入口免勞往返外特奉聞 鎮守使職道尹鈺

督軍局長鑒大水口利民堡業由該縣知事設立檢疫及隔離等所其餘各小口已會商知事派警堵截陽方口已協商馬總檢查長派醫前往設立檢驗隔離等所委員擬於日內往大水口及陽方口查看 蘇鳳敏

督軍局長鑒委員擬將各縣城鎮市之消毒由各縣責成警察辦理城鎮商戶之消毒責成商會長督催各商號自行辦理村莊之消毒責成地方紳董及村長副百十戶長督催每戶自行辦理以期周密消毒法均遵照迭次電令同上

督軍鑒據調查報告代境疫死者已達二十人左右團長於今早約同西醫赴各村鎮實行防檢凡有疫死之人均已深埋家屬亦已隔離并將房屋消毒封閉本日已查明縣北十數村鎮明日更赴東西南各村實行調查 孫秉彝

督軍局長鑒縣屬原平陽武口段家嶺石峽口班政舖蒲溝梁均係北來要道已設檢疫分所委巡官張映南續澣等帶警前往各處實行檢查但一到陽武已入崞境不如在與甯武接界之李子樹梁兌白灣兩處堵截為得力因又派委帶警趕赴該兩處駐紮檢查十四日晚據警佐報告南窰村萬盛店有定襄小王村人閻保保由歸化回家在該店吐血身死又十五日據班政舖檢查員報告石寺村王占成前數日由大同回里十五日病發身死其戚鄭家營張王氏往探於十八日亦傳染身死均已勒令深埋屍衣焚燬住屋消毒封閉以上兩條均經檢查員查明會由雁門關驗訖放行未給執照頃有該處檢查員魏禮模來縣已而

請嗣後凡經過該關驗訖者一律給與執照又據李子樹梁分所報告十六日有北來靈柩一具脚夫與店主串通夜車潛行至兌白灣經尾追查獲已勒令就地深埋并將脚夫留驗特聞 瞭縣知事

督軍局長鑒縣屬七墩口現蒙鎮道派張軍醫設局檢驗已派員警隨同照料沿邊各小口前飭警佐帶警查勘頃據鎮川檢查所報告清水河已有染疫身死之人等語 平魯知事

督軍局長鑒馬旅長篠日到縣派軍醫協同軍隊駐陽方口諭令紳董預備糧粟爲受驗人口食買家客派巡官帶警堵塞東關設防疫分局調回陽方口醫生協同紳董防檢并派警佐來往梭巡邊牆一帶嚴令駐警截堵防疫費先由知事捐洋應用 壽武知事

局長鑒疫症未發現以前即先有舌苔白黑淡黃不等舌苔愈厚疫症愈重東三省前辦防疫時西人檢查先在舌上故檢查舌苔最爲合法祈電令各縣照辦再疫屍觸人之耳目鼻口傳染最烈防疫人員遇檢疫或看護時擬請照西人防疫之衛生袋及衛生鏡辦法用白毛巾一條防護口耳鼻風鏡一付防護眼目其毛巾及風鏡日以千分之六石炭酸水浸一小時於檢查或看護時佩帶是否有當祈核奪電示 蘇夙敏

局長鑒十四日奉到訓令正擬設法預防迭據正太路外國人及教堂牧師而稱風聞代縣已有此疫壽陽將亦不免等語查職縣北通忻代各縣而宗艾鎮一帶之經商口外者歲晚回家難保不帶染疫癘擬將職縣從北路入境之第一村黃嶺村委巡官帶警前往堵截北來行人惟職縣既寔行防疫毗連職縣之孟縣除由知事飛函辦協同堵截外祈飛令飭速辦理再職縣現無此項醫生可否選派治疫醫員來縣指示進行 壽陽知事

督軍局長鑒靈邑尙無疫症發生已遵設防疫分局又設檢查所兩處併遮斷沿邊進口 靈邱知事

督軍局長鑒據下窰口檢查所報稱河南人吳景義由口外歸來同行八人沿途已死六人所餘二人一於距井坪五里之麻黃頭村外倒斃吳景義亦於十號下午身發狂熱吐血而死已依法深埋併將所遺衣件焚燒 朔縣知事

督軍局長鑒刻下遮斷交通邊境可期穩固惟於未奉電令及甫施禦防之先由口外染疫潛伏未發抵家後疫斃者不免已有傳染迭據警佐報告阜家坪趙村古城陽明堡西關七里舖張家堡等處帶疫身死者八人傳染致斃者九人又西磨沱二十里舖查獲靈柩各一具均立時深埋連日組成防疫分局增設衛生隊并於城外七佛妙覺二寺設隔離所兩處疫死之姓名月日另文呈報謹此電聞 代縣委員知事

督軍局長鑒據報告新岱岳王二五之母染疫於本日下午三鐘身死二五病亦漸重又同村樊制之母又王家洞王二化之媳均於下午二鐘身死又同村王培德亦染疫醫治無效北鄉一帶現尙平安 山陰知事

一月二十日
督軍局長鑒縣屬孫村張龍年由北路回家行至代縣前窰堡疫斃該靈柩於十二月一日到家除咸日電報外已勒令深埋頃據東區巡官報稱龍年之父四長於七日下午疫發身死又村人張黃喜因侍候疫斃之閻福義八日得病九日身死復有張元年新始得病張喜新由歸化回家已分別隔離 忻縣警佐

一月二十一日
督軍鑒奉電令嚴閉各小口只留下窰口一處業將通右玉平魯偏關之東昌峪担驚山亂道溝進石川白

軍窠等處派警攔堵併飭馬邑縣佐將通左雲岱岳等要路派警堵截茲奉電遵查上下石碣峪在縣南境與甯武賈家窠接壤立即撥警堵塞 朔縣知事

督軍局長鑒防疫分局已成立磧口柳林吳城坊各要隘均設立檢查所但磧口柳林兩處爲口外商民上岸要道此間無識疫醫生已函請汾陽外國醫士前來助理 離石知事

督軍局長鑒令早六鐘赴新岱岳查得樊方之女昨晚得病五更身死閻針娃之婦至三更亦死陳宣於今早七鐘死均立時飭令掩埋尙有樊丕烈之母高言榮之婦嚴小娃三病人已將嚴小娃送入隔離所樊高兩人不肯入所各於其家空屋嚴爲隔離 山陰知事

督軍局長鑒代境疫症已漸蔓延前任曾知事籌設各局所尙未成立知事現商同孫團長武靳兩委員及本城士紳先設防疫分局本日寔行成立并募齊衛生隊四十名以二十名爲消毒隊十名爲檢查隊十名爲掩埋隊檢疫隔離等所准於一二日內竣事 代縣知事

督軍局長鑒縣屬馬到頭前堡村吳家窠等處疫氛甚烈連日疫斃者計十二人均已深埋按日另表呈報左雲知事

督軍鑒奉防疫令及簡章遵卽令知警佐巡官街長紳董等督率居民力求清潔併按普通防疫辦法切實預防全縣刻未發現 和順知事

局長鑒縣境併未現疫惟與甯崑諸縣連界自應遵照預防西馬坊永安鎮兩口已派警斷絕交通城關旅店逐日由警佐嚴重檢查 滌樂知事

督軍鑒奉電飭將沿邊各縣寔行斷絕交通兩星期遵卽電商駐朔魏營長飭令駐平軍隊兩棚馳赴七墩及沿邊一帶嚴行防阻 平魯知事

督軍鑒右玉電稱南門外賈店疫死多人雖經封閉無知愚民仍有由窻戶偷入竊取衣物當受傳染情事查賈店人既死盡房屋適當大道經過之人觸之卽生危險可否將該房焚燒等語職使道未敢擅專謹電呈核示遵行 鎮守使轅道尹蘇

一月二十二日

督軍鑒據憲兵報告陽和坡村民李忠十五日由歸化回村吐血身死其妻於二十一日夜間疫斃其父并其弟婦均於次早吐血身故等情當派憲兵前往分別掩埋消毒隔離併將此情形而呈江會長矣鎮守使轅局長鑒馬到頭於二十一日疫死男女三人二十二日朱家窠村疫死賣小貨一人又南關許隨炳新從右玉回家本日身死均分別深埋消毒隔離 左雲知事

局長鑒據東辛莊巡警報告本日下午有代縣客民四人住蔣青山店內同時發疫已死三人一人尙在病中又蔣青山及村民張序亦於下午同時發身死等語查該村係應山合治已知會應縣一體防範 山陰知事

督軍局長鑒職縣東北各口已嚴密堵截近聞代縣傅村等處發生疫症距繁峙西界僅數里擬再添招巡警二十名編作消毒掩埋隊先在繁境無疫先派該警分駐代繁交界處嚴行檢查 繁峙知事

局長鑒昨日協同美醫王大夫赴忻口視察該鎮防疫前已委派巡官郭承樹司其事防疫辦公所檢查所

隔離所均已組織就緒計陸續留驗由北南來旅客已有九十餘人俟過七日分別檢放再昨晚據東關巡官報稱距該區里餘之孫村民人張四長張黃氏先後疫斃今晚又據報四長之妻及元年二人亦染病口吐黃綠水身死均已深埋知事定於明晨親往詳查 忻縣知事

一月二十三日

督軍鑒據報告左雲縣屬之馬到頭前坡後客各村山陰縣屬之新岱岳均疫斃多命職使道當派員分往各處遵照養電辦法會同知事辦理 鎮守使職道尹蘇

局長鑒縣屬北區鄭家莊張文舉染疫身死又莊頭村劉三虎之妻亦於今日染疫身死勒令深埋併將衣服房屋分別燒燬封閉 嶧縣知事

局長鑒屬縣上埃河村鄉約報告昨日午後有本城人姚光義之侄與高建月因赴西北山各村催查斗捐行至該村光義之侄忽頭昏倒地高建月亦頃刻身死等語當飭令立時深埋分別消毒隔離 朔縣知事

局長鑒據探報廣武死巡警屈梅榮一名油房村死旅客一人村民一人趙村死男女四人受染一人卓家坪死一人張家莊死二人受染二人等語已由西醫帶同衛生隊馳赴各村分別掩埋消毒隔離屈梅榮因防疫受染身死已酌給其家卹金三十元其餘疫死姓名查明另報 代縣知事

督軍鑒據調查員張必達駐殺虎口防疫委員高建棟電陳銑日有口外來客段瑞芝等三人驗訖給照畢卽有殺虎堡縣佐范鴻賓持片勒令高警長彭所長放行均經嚴詞拒絕巧日該段某卽竊逃惟查前晚范縣佐曾出入關一次密訪該段某卽在范縣佐署內號日找出當面同陳知事詢問段某入口情節據稱伊

係本縣炮隊隊長奉縣佐差往利民收款銑日已繞邊入口帶洋已交縣佐等語請鑒核前來查檢驗行旅禁止入口不啻三令五申該縣佐始而勒令放入既又隱匿不報顯係故違禁令指令繞越伏查關內疫線多由殺虎口侵入該縣佐對於第一防線如此疏忽乖謬遺患何堪設想應如何辦理之處謹電請核示 鎮守使職道尹蘇

督軍鑒新岱岳莫記世之母之妻之女陳儀授之妻之女及辛譚又王家潤王兆明安營村馬洲夫婦皆染疫於昨日身死當督駐警併消毒隊將死屍如法深埋房屋封閉有疫之村之家遮斷交通 岱岳鎮縣佐 局長自陽和坡李忠死後復於二十一二兩日其家屬李梁氏李武氏李生元亦先後染疫身死當遵照養電分別辦理 大同知事

一月二十四日

督軍局長鑒養電敬悉派員赴磴口調查據覆該口前有一成衣龐姓因傷寒身死并非北來染疫雖石知事督軍鑒據右玉馮營長電稱察哈營黃家窰一帶昨今二日身死者五六名除有自包頭歸化來者折回不計外尚有五六百名在該處停留等語當飭該營長嚴加查禁 鎮守使職道尹蘇

督軍局長鑒魏牧師禮模於二十三到縣查詢境內各小口堵塞情形又查看城關街道均清潔因刻下全境并未發生疫症卽於今早先回嶧縣佈置後將急返代縣謹聞 壽武知事

一月二十五日

督軍鑒奉電卽派吳營長赴陽方口一帶調查據回報各口防範甚嚴左近數十里內均不能繞越惟大蓮

花村一處與朔甯交界距陽方口六十餘里該處無人把守等語已令知楊知事派警前往堵截再朔縣麻黃頭村因葬埋死屍受染者不少多係未明接近屍體之害擬請由防疫總局組織消毒隊若干名分往各地巡有死者即馳往埋葬此間已會商楊知事即日組織神池飭由衛連長會同知事協辦 旅長馬開崧
督軍局長鑒頃據警佐回報查得東辛寨疫斃張運之一人當監視深埋其甥男女二人亦感染昏迷不醒其未染疫之三小娃已離居別室病者隔離祇準一人用口鼻罩侍候又應縣成山地方亦有警耗當即馳往將病者送至村外廟內隔離派消毒隊一人看視等情 山陰知事

督軍局長鑒據縣屬破堡人民報告二十一日有崞縣乞丐一名由三岔堡來村經過嚴控小家哀求投宿至一更時得病身死等語當往勘驗該死屍面青口鼻有血遍身亦現青紫委係染疫身死查該死者既由三岔來請飭五寨并三岔駐軍嚴斷交通 神池知事

督軍局長鑒城西八十五里王家莊店主薛勤其於昨日咯血迴日身死類似疫症已將屍體深埋遺物燒燬并遮斷交通 靈邱知事

一月二十七日

督軍局長鑒查職縣大小要隘共六處驚毛樓子小峪樺林溝各小口等均派警堵塞只留里八莊張毛屹塔兩處出入旬日前口外歸家者尚多近日稍減昨據報告左屬吳家窰竇姓二十四日疫死四人二十五日疫死二人該村距張毛屹塔甚近恐有傳染增派員警堵截原警不敷分佈增募十名日內縣境尙未見疫 懷仁知事

督軍局長鑒縣屬奇村鎮係通崞縣甯武之偏道現在忻口檢查嚴密恆有客民繞道過此知事於徑日赴該鎮督同員醫并該區巡官相度地勢借十字街通順店爲檢查所南文殊寺爲隔離所嚴飭該員認真防範 忻縣知事

督軍局長鑒縣屬神山堡等村發現疫症日內尙屬寧靖原平軒崗兩巡官已另委委員二十五日據報告原平李世芳李世榮二人於二十三日染疫身死 崞縣知事

局長鑒縣屬水磨疔村民馬和蘭由口外帶疫回家連染其家屬及同院麻姓共死十二人只留馬和蘭之媳一人聞信即派警前往將疫屍依法深埋馬和蘭之媳另室隔離并將房屋消毒封閉 渾源知事

督軍局長鑒奉鎮道憲轉到軍署濠電飭將南關賈店焚燒等因知事遵於敬日督警焚燒并未延及鄰右 右玉知事

一月二十八日

督軍局長鑒竊知事與團長前在吉林供職躬親該處防疫事宜未染者之防檢疫死者之掩埋以及消毒隔離諸要旨頗知梗概謹將近日按照吉林辦法防疫情形列陳於下(一)縣屬各口均派兵駐守實行遮斷交通(二)以白話告示曉諭人民預防方法一面分區劃分數小區各設隔離所一處調查講演員四員(三)遮斷疫村交通封禁南北城門留東西門實行檢查(四)置備掩埋屍體器具併教練掩埋隊以執行職務手續(五)城內設分局一處四鄉適中地點各設分所派員隊駐所辦理所管村鄉掩埋消毒隔離事務并令隨時報告城局(六)佈告人民停辦婚喪事宜 代縣張知事孫團長

督軍局長鑒十三日麻黃頭疫死二人彈子山疫死一人小峯山疫死一人安家嶺疫死一人以上有疫各村均在縣之西北距城六十至八九十里不等 朔縣知事

督軍局長鑒二十七日有河曲屬之秦家圪塔距偏城二里許民人秦二虎由口外大青山至河曲陷口進來回至該村當晚身死 偏關知事

督軍局長鑒縣屬紅門老牛灣兩口由該道鎮憲派員辦理滑石一口由馬旅長派員協助辦理隔離留養等所糧食柴炭足供需用遞接所似無須設立同上

一月二十九日

督軍鑒據駐朔魏營長報告平魯人李燒且昨日疫死城外又并坪鎮任姓幼男女兩口老婦一人仁永厚舖夥一人均於本日疫斃查該處疫氛甚熾已電調委員王汝霖赴朔下審子張軍醫移駐并坪協同撲滅

馬開松

督軍局長鑒縣屬下海子村魏補拴由渾源回村得病二十四日吐血身死伊第二黑眼伊母魏吳氏均於二十七日染疫身死當勒令掩埋消毒一面派警遮斷該村交通 懷仁知事

督軍局長鑒縣屬堵截要隘及檢查情形已另電呈報惟大關河邊兩處係嶧定運煤要道可否仰懇電飭河邊駐軍就近協助防範 五台知事

局長鑒神池各口檢疫所現無留驗之人甯武陽方口十八日留驗河南人曹金祥等七人二十二日留驗甯武關雲來一名嶧縣賈文忠等十一名均先後於廿五廿七廿九等日驗明無疫給證放行 蘇鳳徽

督軍鑒奉電組織消毒馬隊已招足七十名軍裝暫由職署所存軍衣挪借添做灰色單連身衣褲并手套藥袋委黃連長殿召充正隊長翟排長德仁爲副并於騎兵營內挑選兵士三十名充當頭目由黃連長帶赴山陰渾源應縣等處翟排長帶赴左雲右玉等處均於明日出發 鎮守使職

督軍局長鑒新岱岳昨今兩日已無病者惟王家洲有染疫者一人據報昨晚身死 山陰知事

督軍局長鑒自陽和坡已死李生元家屬隔離後派警監視據報李德李大孩李二孩李于氏李袁氏先後於廿六七兩日均疫死已將屍柩房屋遺物消毒焚燬 大同知事

督軍局長鑒隔離所省日成立饑寒失所之人先於東關指定住所酌給食費茲遵令改爲留養所城門已斷絕交通糧食足供需用柴炭係諭令商會在城外設立官廠遞接城內 同上

督軍局長鑒屬縣厲行斷絕交通除由警察抽調駐紮外添招檢查隊十五名自二十九日起將縣屬與代繁定嶧等交界要隘駒門岩花岩嶺西嶺小嶺梁等處悉行堵截獅子窩楊林嶺羅灣大關河邊村等處均派隊檢查城北門已關閉只留西南門奉發警告遞派宣講員二十人分往四鄉講演 五台知事

局長鑒自斷絕交通已無留養之人嗣後遇有被留者遵令放給口食柴炭產自黃河西岸現售炭者以候家口爲止點買炭者至侯家口覓車運回并派警監視 河曲知事

一月三十日

督軍局長鑒縣屬西關疫死閻金虎一人已電報梁存因係病故非死於疫故未報城內無疫東王村留嶧村疫死九人已報又東王村郝梁氏勘日疫死已遵照養徑電辦理寇村前死一人非疫未報此外并無疫

死之人頃接崞縣電囑封鎖南温村疫死人店等語查縣屬南温村係小村向無客店亦無疫死人事已電復崞縣 定襄知事

督軍局長鑒職縣城內設防疫分局令紳商辦理消毒事宜警佐辦理檢查事宜四鄉責成團長及村長副辦理檢查地留已籌備韓家樓峯兌坡深溝村各設遞接所轉運煤炭老牛坡東罡寨店坪村均堵截與神甯相通小道一律遮斷再日前有數丐由神池八角堡來三岔當被團警攔回恐疫死者即在此數丐之內現時境內無疫 五寨知事

局長鑒縣屬各口祇留溝兒澗一處設立檢疫隔離等所又添設留養所一處糧炭向係神朔互市因又於溝兒澗添設遞接所兩縣均由所內遞接各就地車馬運歸再由商會運輸入城 神池知事

局長鑒奉電擇定殺虎口娘娘廟為隔離所就各旅店為留養所每名日給大洋一角四分本日開始發給現時被留者一百四十餘名聞核針溝察漢營滯客尤眾可否一律發給遞接所已於東門外設立右玉知事督軍局長鑒知事今早到東冶查明二十七日晚有崞縣桃園村四人拾回河邊觀上村人劉陽喜死屍一具即行掩埋抬夫亦即返崞查劉陽喜此次係由陝西回來其同行復有劉先運劉和劉舖存王能喜等四人現王能喜亦患頭痛已分別消毒隔離并斷絕該村交通桃園村四人已飛電崞縣設法扣留 五台知事

一月三十一日

局長鑒松樹灣房屋太少不能設立留養所因將該處堵塞於小辛莊留養檢驗惟本地人境外謀生者多間有繞越回家者近日武村水磨疇義家寨疫死十一人已實行消毒掩埋隔離各辦法 渾源知事

局長鑒奉電令遵將各檢查處原有隔離居留等室改為隔離留養等所添編遞接隊分派疫村概定於每日上午八鐘下午一鐘彙總代村民赴隣近村鎮購買日用必需貨物窮無現款者准報遞接隊轉報鄉董代買事後償還又疫家欲向同村其他家戶取物亦令遞接隊代為取送 山陰知事

局長鑒有口外客民於未經檢疫之先入口投宿莊窩墩村任玉先店內二十二日疫死傳染任玉先一家大小十三口於二十六八等日先後身死又馬到頭於三十日疫斃崔官桃崔李氏二人吳家審同日亦疫斃杜二子杜七子杜氏寶氏四人謹電聞 左雲知事

局長鑒下海子村已死魏吳氏之女昨日亦斃隔離室內魏補拴之妻及子女三人本院數人均勒令隔離 懷仁知事

局長鑒日城內疫死張趙氏殺虎口教場溝疫死尹存室沈五子三十日城內疫死賈五子王喜子威遠堡疫死范套拴長毛舖村疫死畢鎖王新維 右玉知事

二月一日

局長鑒據報城北樓子營堡於上月二十九日有南來之河南人楊文學頭痛吐血身死城南沙泉村有崞縣二人到該村買牛於儉日患心痛吐血身死均立時消毒深埋勒令店家歇業封閉并嚴斷交通河曲知事

二月二日

督軍局長鑒據報平山白嶺村有從口外歸來者住宿該村更夫房疫死更夫四人蔓延該村共死五十餘名等情查該村距台境僅八十里當派巡官迅往確查一面添招檢查隊十名在與平山交界之黑山關檢

查惟平山係直省轄境應請電知直省長飭平山縣協力堵防 五台知事
督軍局長鑒蒙鎮使派來西醫張寶元甚資得力改編衛生警察添招清道夫將城內舊有糞穢一律運送
城外至隔離疫戶撲滅疫氣等事均會同張醫士積極進行 右玉知事

督軍局長鑒據軒崗巡官報告一日上午該鎮天主堂長崔光臨帶領該區有疫之五寨村人楊海拴到該
鎮不服村兵攔阻彼時葉魏二大夫正在該鎮檢查聲言須請示上憲懲辦等語又報葉魏二大夫已到寬
灘神山堡等村檢查據稱寬灘似可無慮神山須一星期後才能撲滅又據檢查員報告政化村莊董氏皇
甫氏於上月二十六九兩日疫死均令深埋消毒知事又派檢查隊六名前往該村並令該區保衛團總王
植帶警移駐該村外幫同原派員警辦理堵截 瞭縣知事

督軍局長鑒據報下海子村已死魏補拴之妻及堂弟魏二拴住於昨夜今早先後疫死即派警佐前往辦
理掩埋消毒隔離等事村口各要道加警堵塞擬再添招十名消毒掩埋等隊一切費用暫由雜款內提借
懷仁知事

督軍局長鑒據報縣城三義店於上月八日由嵐縣來河南賣姜熟客朱見銀素有疾病復因感冒自用生
姜紅糖沖燒酒飲服過多夜半身死往驗並無血跡似非疫症但為慎重起見立飭深埋房屋封閉遺物焚
燬 岢嵐知事

督軍局長鑒距縣城五十里岩頭村茂德店於二月一日疫死三人陳壬寅李黑黑陳新民又大保村萬成
店有不知姓名代縣行客一人住宿一夜亦於是日疫死立派醫士并掩埋消毒等隊前往掩埋消毒 繁峙

知事

二月三日

督軍局長鑒據衛生隊報告小山兒村一月三十日疫死民人韓三本月一日又疫死楊二小韓二金又義
井鎮疫死郭根銀王潤成二日疫死李台娃張二小醫生趙滿洞又南關疫死秦智智當飭衛生隊分往辦
理掩埋消毒等事並斷絕鄰村鄰戶往來再城內人民石大牛於一月三十一日患瘡身死因跡涉疑似亦
照前法辦理 神池知事

督軍鑒掩埋夫武直屈三丁寬李喜李富貴染患頭痛吐血當飭送入隔離所茲據報武直屈三於二日身
死丁寬李喜李富貴於三日先後身死又前次疫死之郭萬義家屬郭溫氏郭張氏郭李氏亦於三日先後
身死 鎮守使幟道尹蘇

督軍局長鑒警告諭單尚未奉到省委宣講長劉大猷三十日齎到防疫警告遵即加印遍佈各村並派紳
席嘉言等三十二人分赴四鄉宣講再西易村賈二日安家嶺王二小下窰口劉清秀小塗皋村外不知姓
名一人均頭痛吐血先後疫死已依法消毒深埋 朔縣知事

督軍局長鑒城內福成店住客一人前數日赴神池義井趕集回患頭痛兼吐黃水是否疫毒尚不敢必當
飭送入隔離所此外尚無疫象發現現與紳商協議暫停城鎮集場各門關閉只留一門邊村飭與鄰縣各
村一律斷絕往來王宣講長於三十一日抵縣派六區團長聯傳村長五十餘人齊集城內聽講後即令回
村宣講原警不敷分布添招防疫警察六名 五寨知事

督軍局長鑒鎮使所派防疫委員黃世林已到縣奉發警告已張貼各村城西南北三門均關閉只留東門檢查又於南門外設隔離所一處近數日水磨疇義家寨西門外木市街等處疫死共二十二人 渾源知事

二月四日

督軍局長鑒據駐西溝村巡警報告該村秦二虎前由口外回里於沁日疫死三十一日其父秦保住疫死東日醫士賈致和因到秦家療病亦染疫身死等語西溝村在縣東北八十里距偏關城三里所有預防及處治疫死人各法均飭警依法辦理 河曲知事

督軍局長鑒東辛莊染疫者張姓之妻二日夜間身死同居梁三富亦於三日早身死又應界蔣青山之弟蔣耀山亦於二日夜身死又前派警隊監視之東雙山村陳世英母子二人陳世連妻子三人陳世受一人郝姓婦一人均染疫於一日夜先後身死均分別消毒深埋房屋封閉 山陰知事

二月五日

督軍局長鑒省電敬悉查陽高沿邊各口前奉鎮道令寔行堵截現據縣民荆發貴稟稱車輛均赴口外張皋鎮一帶運糧被截已兩星期懇轉求進口等情查陽高米糧向仰口外既奉設所遞接擬在該鎮宏邊口辦理祇准運糧不准人畜進口可否准行祈示遵 陽高知事

二月六日

督軍局長鑒據報告曹老二身死已深埋又崞縣人李甫頭昏吐喘不能飲食亦在垂危 崞嵐知事
督軍局長鑒清疫協助員宋永福等十員於本日到崞奉發各種佈告及簡章共九件已收到知事與清疫

委員擬明日分赴有疫各村督察一切再近日疫氛稍減 崞嵐知事

二月九日

督軍鑒據廣靈知事電稱五號縣西境與渾源連界之井窰村劉姓一家男女先後傳染病故十人現患者三人當令將房屋遺物分別消毒依法掩埋病人搬在村外隔離所查該村發生疫症確係由渾源所傳播該知事等防範不力已可概見除電飭切實辦理外懇轉令該知事等毋再玩忽 鎮守使職道尹蘇

二月十日

督軍局長鑒據報樂玉堡孫緒佃由大同拉炭回吐血亡故其父及其女子婦弟孫女皆先後傳染天鎮知事
督軍局長鑒自本月五號起至今日縣屬義寨花疇水磨疇城外木市街又疫死十八人已深埋姓名另表呈報 渾源知事

督軍局長鑒縣屬高徐屯村民姚三仔於本月八日由天鎮帶疫回村身死當派警消毒掩埋並將其家屬隔離 陽高知事

二月十二日

督軍局長鑒偏關人民萬大年於十日疫死恐傳染將屍火化 調查員邱有守
督軍局長鑒西溝村前死秦二虎之母王氏前死賈致和之媳張氏均於庚日在隔離所疫死秦四小女於陽日得疫身死樓子營已死武金定住過之店主辛國慶及本村劉勉利均於庚陽兩日在隔離所疫死均如法處置 委員白嘉森河曲知事

督軍局長鑒近聞忻定發生疫症復將東北鄉之新開嶺石河村康家會三路加嚴防扼北鄉與雷武連界各要隘亦均阻止行旅境內現無疫症 誰樂知事

督軍局長鑒協助員等於十號抵平查平魯城內五六七三日染疫死者九人病故者三人共十二人十日十一日兩日死九人係隔離所內前疫死者之親屬並無新疫發生者 平魯知事協助員喬煥林司文廣

二月十三日

督軍局長鑒樂玉堡已死孫緒佃之父母及子尚在隔離所餘均身故屍柩均深埋刻無傳染 天鎮知事

二月十四日

督軍局長鑒委員等於九日抵左查得南鄉馬到頭吳家窰前堡村已逾一星期疫勢漸減惟北鄉新染之曹家堡東勝莊莊窩墩等村現時甚熾招集先時派出宣講員來城會議議分五區由委員梁楫等四人担任第一二三四區講演員解林繁担任第五區每區由委員等帶宣講員二人前往各村演說均於十四日出發 左雲知事委員梁楫等

督軍鑒查此次瘟疫由綏區往東漸至大榆樹六蘇木等處近日又行東漸豐鎮屬之張皋鎮亦已波及該鎮與天陽兩縣接近傳染堪虞陽高設立遞接所由張皋鎮運糧一節懇飭緩辦 鎮守使職道尹蘇

二月十五日

督軍局長鑒自月初井窰村發生疫症迭經親往該處督飭防範已逾十餘日之久再未發現寔已撲滅 靈知事

督軍局長鑒城內西街民閻九子忽於十日身死據醫云係因老病致死詎十二日伊母慟哭跌撲而死女病亦危險雖無咯血等症但數日之中死二人其為疫氣可知隨將伊女隔離屍棺深埋 天鎮知事

督軍局長鑒查台邑自上月三十一日至本月七日先後疫死楊全書郝敬義王金明等後現計已逾七日各該村均無傳染 五台知事

督軍局長鑒委員此次北上經過各縣辦理防疫均尚認真惟行抵距廣武十里之察安舖訪聞該村及張家莊有無知愚民貪圖小利潛引西商從山僻小徑繞越過關情事現時尚有包鎮商人藏匿某姓家中專俟乘機暗渡查廂門關沿嶺一帶村莊甚夥一村如此他村恐亦難免可否令飭第二防線官長抽撥檢查隊分投梭巡嚴密拿辦再委員已抵大同遵使令在關留驗五日俟期滿進城再與知事會商辦法 興業鈞

二月十七日

督軍局長鑒查得岩頭村陳新明之父母大伯母三叔母及伊兄在明弟申明弟妻智氏均於二月十二號先後疫死又同村陳經祥與伊兒媳及孫子女三人與伊侄戊申及戊申之子女四人亦於十二號先後疫死又查得大保村白明中之妻女及工人秦中士又同村之任三元父母及弟任四均於十二號先後疫死又查得佛光莊路斃男屍一具以上染疫身死者共計男女三十二人除警士韓天祿及佛光莊無名男屍得報由裴余二大夫督隊掩埋外其染疫身死之各家屬及各該村長副匿不肯報經寔地調查始悉陳新明陳經祥白明中楊士紅均有疫死之人自行掩埋者十二具猶有死屍十八具未曾掩埋刻同曹知事趕急督警如法掩埋再警士韓天祿係派包圍興盛村伊私至楊士紅家探病以致染疫身死 防疫委

員楊希震等

督軍局長鑒自本月四日至十七日確無疫症發現惟查得殿上村潘紅安潘雙紅潘劉氏姬氏四人受有傳染次第於本月二日身死已按法掩埋消毒并將家屬隔離 代縣知事

二月十九日

督軍局長鑒沙河大營兩鎮爲全邑殷寔之區人烟稠密茲派協助兩委員分駐該鎮以便會商紳商切寔辦理 繁峙知事

二月二十三日

督軍局長鑒河曲自侵日前共疫死五十七人各疫區近又疫死十四人已依法掩埋并隔離十六人查此地消毒掩埋隊尙未成立隔離所房間亦太少礙難人各一室疫區共計六處惟西溝董家莊尤甚 清涼協
助員趙家傑等

督軍局長鑒縣屬嘴子上村高厚義於十四日得病延至十五日吐黃水身死其子於二十日得病至二十一日口吐黃水身死當督防疫隊前往將屍身深埋家屬隔離房屋封閉并遮斷該村交通 岢嵐知事

督軍局長鑒據警佐報稱十九日到張家岩高山上有人喊叫探詢係張家岩四五里三道窪村武四稱伊兄武三在坡門口住張子武小子初九日由神池小山兒村回家初十日早頭痛吐血身死伊弟武根定成到武四家說伊父武三亦患頭痛母嫂尙安請辦理等語警佐當同前往勘得坡門口祇武三一家岩下搭屋四面堆柴進門驗得西間內有年壯男屍一具東間坑上男女大小屍體四具詢之武四稱一爲武三一

爲武三之妻胡氏一爲武小子妻常氏一爲武小子之子大約十三四日相繼疫死當與武四商明用火將房屋死屍一並燒化根定成由武四借屋隔離等語查坡門口在城西北九十里山谷之中祇此一戶已經撲滅不致蔓延 壽武知事

督軍局長鑒二百戶村常存子在清真庵村吳禿小家傭工因赴神池義井收賬值店主疫死常存子在店染疫回到清真庵頭痛身死其兄秦三三往看染病回至三百戶頭痛發熱而死茲據警佐報稱清真庵距城一百里孤懸半山吳禿小倚山搭屋隣近雲口廟內只道士一人常存子死後其兄三三負至二里外山崖下石峽中用石砌蓋當即督警先用石灰水澆灌用土填固又蓋石灰四五寸吳禿小隔離廟內附近村莊各一二十里未聞發現疫症等情又據報三百戶村外亦平靖 同上

二月二十四日

督軍局長鑒十八日據防疫分隊長李得勝報告查得有人由直隸陽源縣運柩三口入廣界一斗泉小口詢悉皆在口外疫死當派警隊將柩督送焦山深埋並厚鋪石灰末消毒等語 廣靈知事

督軍局長鑒馮村已死陳巨金之父陳仁治已死陳錢富之妻陳田氏均於漾敬兩日疫斃隔離所內已令甯紳馮章先赴該村督察知事亦即日協同李委員鴻禧等前往竭力撲滅 忻縣知事警佐

督軍局長鑒竊協助員等自抵左後因辦公便利在縣署居住除下鄉應需車輛及因公必需物件由謝縣長照付膳費等項均係自備並無要求縣署供應情事 左雲清涼協助員梁楫等

督軍局長鑒清涼委員梁楫等下鄉應需車輛及因公必要用品由知事應付伙食係由委員等自行包給

署內廚房知事毫無供應 左雲知事

督軍局長鑒河曲疫區沙泉下營堡二村已逾十餘日並未發現董家莊隔離六人現已無恙 委員白嘉祿
督軍局長鑒今日奉到服藥無效淺說百張注意死人布告百張對於病人布告百張已派警飛送各村張
貼矣 右玉知事

督軍局長鑒自本月中旬以來前患疫症之鄭家營等村久未據續報發生疫症前經派出之宣講員張文
斗有僱人赴村代講情事已看管示懲又據報磨兒腦村杜孟氏南坡村王鎖住於二十三、四等日得疫身
死已即時掩埋 懷縣知事

督軍局長鑒河曲代管之河西蒙古地以地勢所限前未設防現據調查報告河西榆樹灣對九溝兩村均
有疫死之人已派警馳往辦理斷絕交通隔離各事疫死姓名查明另報 河曲知事

二月二十五日

督軍局長鑒縣屬自一月三十一日起至二月十八日止共計染疫及疑似病死者楊全書郭敬勤劉和王
金明李書應李王氏孟科元等七人均先後電呈在案並無隱匿 五台知事

督軍局長鑒查前報李王氏係因其夫李書應疫死後在隔離所悲傷兼素患大瘡以致病發身死至孟科
元在家務農亦無傳染之由伊等死後已逾潛伏期間並未傳染檢查病狀委非肺疫此外境內再無發生
疫症情事謹稟查復 同上

二月二十六日

督軍局長鑒縣屬自二月十六日至二十六日十日內確無染疫之人亦再無發現病者 應縣知事

督軍局長鑒南鄉馬到頭吳家窰大堡前堡段家溝等村兼旬無疫症已撲滅北鄉莊窩墩東勝莊巴家場
郭家窰等村亦經旬日無疫惟北鄉與豐鎮僅一牆之隔該縣疫氣未滅應仍嚴防 左雲知事

二月二十七日

督軍局長鑒興盛村王栽樹之妻十七得病十八死其子祥祥春祥三祥及祥祥妻何氏均念一日得病念
二日死楊拴十七死栽樹之母及楊大紅日均十九得病念一死大紅日之母劉氏及四紅日之女均念二
得病念三死念四掘坑念五會同西醫士掩埋各屋消毒封閉各家屬隔離 繁峙警佐

督軍局長鑒岩頭村陳仲亨十六得病十八死伊子閏明及閏明妻姚氏又陳申明外甥郭姓均十七得病
十八死閏明弟斗斗牧羊楊拖拖均十七得病十九死陳三倉及妻弓氏均十五得病十七死三倉子女各
一人均十七得病十九死大保村任玉懷十九得病念日死王三十五得病十六死在官地村河灘掘坑念
一、二日會同西醫掩埋 同上

督軍局長鑒據報告二十五日五佛寺村郭元娃之嫂及大媳三媳並次子孫兒孫女疫斃共六人二十六
日郭元娃及妻女四子並郭六娃之妻疫斃共五人各死屍筋除深埋家屬均經隔離 五寨知事

督軍局長鑒李委員於二十五日病故經部醫驗為疫症將居住地隔離同居各委員又二十六日城內人
民姜祿貢福二人病故亦據部醫驗係疫症當即會同部員筋除深埋並將各家屬送所隔離又前經部醫
驗為疫死送所隔離之家屬期滿出所者已三十餘人均未傳染 大同知事

二月二十八日

督軍局長鑒查台邑自陽日起至今日止二十日內全境并無肺疫發生即前呈報有疫各村亦無傳染之人再楊眉全楊富存等患喉症身死已逾七日該村等并未傳染 五台知事

督軍局長鑒據報南峪村程東來之子程奴兒於二月十一日得病十二日死其二弟程永來十四日得病十六死其妻黃氏十六得病十八死其三弟程新來十九得病二十一死其隣人黃泉兒二十二死其姑表弟武貓兒及陳東來十九二十兩日得病二十三死又分水嶺賈天海二十三得病二十四死調查該疫死人得病原因係因程奴兒在分水嶺食一不知姓名病客餘飯以致傳染病客現往何處無從調查得報後即委警佐巡官及紳士數人爲防疫專員帶同防疫掩埋等隊將死者深埋房屋消毒封閉家屬隔離并將南峪分水嶺與隣村遮斷交通又在分水嶺設防疫分所一處南峪等村均設隔離所一處 武鄉知事

督軍局長鑒張家岩坡門口隔離之劉福義武根定成均過十日未曾傳染此村各村并甯化區西南卡東卡城卡各區均發生疫症情事二十五日奉發警告等件均分散各區張貼 霽武知事

三月一日

督軍局長鑒據報告嘴子上村楊根富上月二十六日得病咳嗽氣短口吐黃水二十七日身故查此人係曾在高二圪旦家居住後高二圪旦父子疫死村中恐伊傳染隔離村外空窰內死後即消毒深埋 崑風宣講
長劉瑞琪調查員王思明

督軍局長鑒縣屬安營村自上月二十四日以後賀家窰東雙山兩村自二月一日以後花石嶺自三日以

後南周莊自七日以後西沙堆村自八日以後王家湖自十日以後李莊王莊兩村自十一日以後關岱岳自十二日以後東小河自十三日以後東辛寨自十四日以後新岱岳岳鎮自十六日以後高山曠村自十七日以後均無發現疫症前次查出匿報私埋之屍柩與掩埋不合式者已遍行查視遵令一併深埋 山陰知事

三月二日

督軍鑒據報天鎮城內四日樂玉堡七日均無疫死人又大同城內七日以來實無發現疫症惟東關前數日在柱小店外續死過五六名貧人查此情形天同兩縣疫氣已漸撲滅不日可望肅清 鎮守使職

督軍局長鑒查陽高除南徐屯村姚三仔由天鎮蘭家屯探親染疫回村於二月八日身死至今二十二日再未發生就現在論實已撲滅合先電稟 陽高知事

三月三日

督軍局長鑒分水嶺疫已消滅交通開放惟過客多繞道行走稽查不易距分水嶺二十里之南關爲上省行人必由之路委員等擬將分水嶺防疫分卡移駐南關檢查行人打印放行是否可行祈電示 武鄉知事

督軍局長鑒據報告岩頭村隔離所死陳蟾河之妻一人又女紅旦即前死楊拴之子在瓦窰疫發身死查興盛大保兩村前經隔離多人時越多日並無發生疫症東關隔離所二月養日隔離已死楊拴之兒媳七人至今十日檢查無恙明日擬令出所 繁峙知事

三月四日

督軍局長鑒查縣屬疫氛城內自二月十日小山兒自二月六日楊家坡自二月十三日宋村自二月二十一日九仁村自二月八日小溝兒湖自二月十二日板井村自二月二十四日八角堡自二月七日均至本月三日并無發生惟本月一日小溝兒湖及板井村各死一人均在隔離所內此外亦僅板井村隔離所尚有隔離人數名而已 神池知事

督軍局長鑒大保興盛兩村十日以來并無發現疫症惟岩頭村尚有隔離嫌疑入十五名爲急圖撲滅起見議定由委員鄭思廉耶穌堂醫士周鼎率帶馬警及衛生隊常駐該村將嫌疑人仍嚴行隔離 繁峙知事
督軍局長鑒麻黃頭村自二月十八日後尙無疫死之人又東關自王牙臣於二月二十二日疫死隔離所後迄今亦未發疫 朔縣知事

三月五日

督軍鑒自遮斷交通以來鴈門關外廣武地方聚積車夫騾夫及帶貨客人爲數甚衆停留均已數十日之久食料缺乏大有困斃之勢可否將現有之車騾確實檢驗給照入關請核示 鎮守使幟道尹 蘇

督軍局長鑒自二月二十四日至今旬日之間城間四鄉均無疫死之人疫氛已完全撲滅 渾源知事

督軍局長鑒據報義井鎮自二月二十四日至本月一日無疫發生鄭家莊自二月二十三日至本月五日無疫發生仁義村亦多日未發惟隔離所尙有數人全縣疫症漸次減少數日之後當可肅清 神池知事

三月六日

督軍局長鑒縣屬楊坡馬廠馬家小村沙梁四十里舖上莊子宏賜堡等村迭次委派員警往查並無陸續

發現情事疫氛指日可滅 大同知事

督軍局長鑒白獅嶺自前報後派警專查并輪查四境均無疫症發現風聞武鄉有疫飭查未回 祁縣知事
督軍局長鑒河曲人民專恃口外耕地爲生瞬屆春分農民若不於此時出境則一年生計頓絕似非列憲體恤窮黎之至意現聞口外疫勢漸減河境疫氛亦漸次肅清若於巡檢司渡口每日開放一次似於防疫民情兩無妨礙是否可行請示遵 河曲知事委員等

督軍局長鑒平魯城內已逾二十日無疫發生小野豬窩三層洞兩村已過兩星期俱無傳染 平魯知事
督軍局長鑒沙泉夏營堡兩村均逾二十餘日董家莊樓子營均逾十餘日西溝郝家溝均逾八日無疫發現似可漸就廓清至代管蒙古地之榆樹灣僅東日隔離所疫死梁季氏梁辛氏二人現已五日無疫發現 河曲知事

三月七日

督軍局長鑒據防疫委員報告現在泉則溝村疫死郝四兒郝月更郝海流郝來潤郝更喜之妻郝留則之妻孫萬才七人又分水嶺相繼疫死楊世富及其妻二人已經如法掩埋 武鄉知事

督軍局長鑒天鎮聚衆案已辦結歌日隨同道尹返同此間惡疫有肅清之望應縣疫癘據報已撲滅委員擬於一二日內往應屬各村實地調查 委員龔秉鈞

督軍局長鑒自二月十八日起自今二十七日之久全境並無疫症發生前次私埋及所掘之坑間有不合法者已一律指導深埋 山陰知事委員